



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Nomenclator Sanctae Romanae Ecclesiae Cardinalium Qvi
Ab Anno Christi Millesimo quippiam commentati sunt, Sev
Ab Eo Tempore quo Pontificis electione ad eos tantum ob
Romani cleri multitudinem ...**

**La Rocheposay, Henri-Louis Chasteigner de
Tolosae, 1614**

A Nicolao III. Creati.

urn:nbn:de:hbz:466:1-10735

BERNARDVS Gallus Litinensis Abbas & Casinen-
fis, ex Archiepiscopo Arelatensi Cardinalis, scripsit, ut
refert Vuion.

Supra Regulam S. Benedicti.

Speculum Monachorum.

Regestumque collationum beneficiorum, officio-
rum, Iurium & bonorum Monasterii Casinen-
sis Tom. 2.

A NICOLAO III. CREATI.

BENTIVENGA DE BENTIVENGIS de Aqua
Sparta Umber. Ord. Minorum, ex Episcopo Tudertino
Cardinalis, S. Thomam Aquinatem, doctrinâ celebrem
quâ nulla sæcula parem dederunt, per studiosè audiuit;
scripsitque

Veritatis Theologicæ volumen.

Sermoneſq; plures ad populum habitos. Obit

Tuderti. Ibidem in Ecclesia Minorum sepultus.

LATINVS MALABRANCA, seu Frangia panis
Romanus Nicolai 3. ex sorore Nepos Cardinalis, & do-
ctor Parisiensis; Cum vt temporibus illis præclarus ora-
tor esset, Florentiæ vbi Legatione fungebatur, seditio-
sam discordiam, quæ tamen eius operâ sine sanguine
stetit, oratione sedauit, vt notat Cortesius, ediditque vt
videre est, in Bibliotheca ord. Prædicatorum, & apud
Eisengrenium.

Profas de Beata Virgine.

Profam quæ canitur in missa defunctorum. Dies
iræ dies illa.

Sermones plures.

Orationes coram cœtu Cardinalium habitas.

Et alia quædam numeris signata. Obit Perusij
anno 1294. Romæque sepultus est in Ecclesia
S. Mariæ super Minorum, amplissimâ Biblio-
thecâ Monasterio S. Sabinæ Legata.

ROBERTVS KYLVVARBY cognomento Bilibry
Anglus, ord. Prædicatorum, ex Archiepiscopo Cantua-
riensis Cardinalis, quem in exemplum prædicant Philo-
sophi, acuti sagacitate ingenii, inuia & tenebricosa Phi-
losophiæ penetralia rimatus est, eademque contortis &
& sinuosis discretis ambagibus citato cursu peruasit, scri-
psit, vt notat author Catalogi scriptorum Angliæ, mul-
ta in posteritatem itura videlicet,

In Isagogen Porphirii.

In Prædicamenta Aristotelis lib. 3.

In peri hermenias eiusdem. lib. 2.

In 6. Principia Gilberti.

Super Priscianum minorem.

De modo significandi.

Lecturam Sententiarum lib. 4.

Super Confessiones Augustini.

Super Ezechielem.

In Paulum ad Romanos.

In eundem ad Corinthios.

De Sacramento altaris.

De ortu scientiarum.

Originalia Patrum.

Quæstiones dialecticæ.

In Priora & Posteriora lib. 4.

In diuisiones Boëtii.

In Topica Aristotelis lib. 9.

In Elenchos eiusdem 2.

De conscientia & Synderesi.

Quæstiones de Conscientia.

De anima.

De causis animæ.

De differentia Spiritus & animæ.

De Instantibus.

De Diuisione Entis.

De Relatiuis.

De Natura Relationis.

De Relationis Prædicamento.

De Rebus Prædicabilibus.

Sophistriam Grammaticalem.

Sophistriam Logicalem.

De doctrina S. Thomæ Aquinatis.

De vnitæte formarum.

In Boëtium de Consolatione lib. 3.

De Tempore.

De Vniuersali.

In Physica Aristotelis lib. 8.

De Cælo & mundo lib. 4.

De Generatione & Corruptione.

In Meteora lib. 4.

Super Metaphysicam lib. 14.

Parua naturalia.

Expositionem literæ sententiarum.

Distinctiones Doctorum.

Commentarios Theologiæ.

Philosophiæ notulas.

Quodlibeta quoque. Obiit Viter-

bij anno 1280. Sepultus in Ec-

clesia Prædicatorum.

Gerardus

GERARDVS BLANCVS de Gainaco Parmensis
diœc. Cardinalis, vtriusque iuris apprimè consultus, ser-
mones ad populum habitos reliquit, vt notat Eisen-
grein. Romæque iacet in æde Lateranensi, cum hoc
prolixiori & barbarie infuscato Epiraphio.

*Quisquis ad altare venies hoc sacrificare,
Qui vel adorare mis Gerardi memorare.
Ortu Parmensis & Pontificis Sabinensis.
Hoc attendat homo per funus quid sibi promo,
Est fumus unde sumus & transimus quasi fumus.
Martius intrabat, annos Domini numerabant
M. Semel, & C. ter, bis V. cum fine beato;
Parmensis natu, Sabinensis Pontificatu,
Cardineo migravit homo Gerardus honoris
Missus ab arce Sion sanans animas rediit,
De Hispanis, Francis, Apulis, de Siciliaque
Mira viri virtus, parendi victima, qui se
Taliter exposuit maribus, terris, inimicis.
Huius morte nitens speculum deperdit honestas,
Pontificum vita, cleri modus, & via veri,
Virtutum grauitas, & mens, & practica Iuris,
Sermo breuis, postem prodit prolixus & hostem.
O mors impauida, crudelis, mors homicida,
Febris & ò tristis, quæ Gerardum rapuistis,
Iste bonis bonus, & reprobis onus, iste colonus
Pacis, gaudentes hilarans, reparans pœnitentes.
Quot dilatare loca Sanctorum reparare,
Quot proponebat, & quod bona mente gerebat,
Quot pia donauit, reparauit, & edificauit.
Si quisquam nosset, profectò dicere posset.
Per fragiles mundanos, mundanos prætereuntes*

*Ad cæli montes, sic mundi prætereuntes,
 Huius ab hac ara, sedis distantia rara
 Pontificis sculptam glebam tenet atque sepultam,
 Quod pater impletum præsens remouendo tapetum.
 Actis exequiis quæ Pontificem decuerunt.
 Delatum propriis humeris, in humo posuerunt.
 Hunc ibi Sicilia Rex, Rex regum duo nati
 Turba militiæ comitum diuitum sociati.
 Per te concresecat Lector deuote precamen,
 Hic quoque Præsul Amen, in iugi pace quiescat.*

HIERONIMVS ASCVLANVS Ordinis Minorum
 Cardinalis, qui postea Nicolaus Papa 4. intermissione a-
 liquâ negotiorum data, sacrarum literarum studiis fe-
 dulò & obfirmatè adhæsit, scripsitque

Commentaria in aliquot Bibliorum libros.

In quatuor libros Sententiarum. vt author est Tri-
themius.

Sermones plures.

Summas varias.

Regestique eius volumina 3. in Bibliotheca Vati-
cana seruantur. Romæ iacet in æde Mariæ
Maioris cum hoc Epitaphio.

*Nicolao 4. Asculano Piceno Pontifici Maximo, cum in negle-
cto diu sepulchro ferè latuisset, Frater Felix Peretus Cardinalis
de Monte-alto, in ordinem & patriam pietate, posuit.*

*Nicolaus 4. ordinem Minorum professus, philosophus & Theo-
logus egregius, Constantinopolin à Gregorio x. missus, Græcos ad
Romanæ Ecclesiæ communionem, Tartaros ad fidem reduxit, post
Sanctum Bonauenturam Generalis, sanctitate & doctrinâ ordi-
nem propagauit. Nicolai 3. Nuncius, inter Francorum & Ca-
stellæ Reges pacem conciliauit, S. Potentianæ Cardinalis, Legatus*

Honorij 3. in Galliam; Senatoriam populi Romani dignitatem, Sedis Apostolicæ restituit, factus Pontifex Remp. sublatis discordiis composuit, Christianos Principes sacro fœdere iunxit, Ptolemaidem copiis adiuuit, Flaminiam in Pontificis iterum ditionem redegit, publicum in Montepessulano Gymnasium instituit, probos & eruditos in cognatorum loco tantum habuit, Lateranensem & hanc Basilicam structuris & opibus auxit; tandem Iustitiâ & Religionem orbem terræ moderatus, magna sanctitatis opinione obiit Pridie Non. Aprilis 1292. Pontificatus sui anno quinto.

A. MARTINO IV. CREATI
cuius aliquas habes Epistolas in historia
Regum Aragoniæ.

HUGO DE Evesham Atratus Anglus Cardinalis, Mathematicis artibus eminenter innotuit, & ob medicæ artis absolutam peritiam cui subiecta opuscula fidem vindicant, Phoenix suo sæculo vocatus est, scripsit

Super opere febrium Isaac.

Medicinales Canones.

Problemata quædam.

Distinctiones prædicabiles.

Postillas super Biblia, Et alia quædam. Obiit Romæ anno 1287. Iacetque in æde S. Laurentij in Lucina, marmoreo monumento absque vlllo tamen elogio.

GERVASIUS GIANCOLETUS de Clinchâp Cœnomanensis Gallus, ex Decano Parisiensis Ecclesiæ Cardinalis, & Apostolicæ sedis apud Philippum Francorû Regem Legatus.

Quædam in Theologia scriptitasse fertur, quæ non